

漢書門
 一三二四
 五八
 八二二八
 類號函架冊

內閣文庫
 漢書
 三三三八
 八二二八
 類號冊函

內閣文庫	
番號	漢 12248
冊數	8 (6)
函號	301 108


0 1 2 3 4 5 6 7 8 9 10


Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19

G Y M

© Kodak, 2007 TM: Kodak





新刊萬病回春卷之六

太醫院醫官金谿雲林龔廷賢子才編輯

門人 醫官同邑胡廷訓

慈谿羅國望

弟醫官廷器

姪 懋官同校

金陵書坊對峯周日校刊行

婦人科

脉經曰寸關調如故而尺脉絕不至者月水不利當患
小腹引腰痛氣滯上攻胃臆也○寸占脉浮而弱浮則
為虛弱則無血○尺脉來而斷絕者月水不利○尺脉



滑血氣實婦人經脈不利

肝脈沈主月水不利腰痛

少陰脈弱而微則血少

脈來至狀如琴弦若小腹痛主月水不利孔竅生瘡

胃脈濇少陰脈微而遲則無精遲則陰中寒清則血

不來此為居經三月一來

少陰脈滑而數者陰中生瘡

少陰脈數則氣淋陰中生瘡

少陰脈弦者白腸必挺核

少陰脈浮而動浮則為虛動則為痛婦人則漏下

婦人生死脈訣

衄經曰婦人漏血下赤白目下血數升衄急數者死遲生

婦人漏下赤白不休衄小虛滑者生大緊實數者死

婦人新生乳子衄沈小滑者生實大弦急者死

婦人疝瘕積聚脈弦急者生虛弱者死

婦人生產因中風傷寒熱病喘鳴而肩息脈實而浮

者生小急者死

婦人生產之後寸口脈焮疾不調者死沈細附骨不絕

者生

金瘡在陰處出血不絕陰脈不能至陽者死接陽而復

出者生

懷孕六七月脈實大牢強弦急者生其沈而細者死

丹溪曰產前脉細小產後脉洪數者死又曰產前當洪數既產而洪數如故豈得不死而生者此亦大槩言之亦有洪數

婦人諸病者多是氣盛而血虛也

調氣養血湯專治婦人室女血氣不和胎前產後諸病蓋婦女以血為主殊不知因氣先不調後血脈不順即生諸病

香附米炒二錢 烏藥 一錢 砂仁 一錢 當歸

川芎 白芍酒炒 熟地黄姜汁浸焙 甘草炙 三

右判一劑生薑棗煎服或丸或散皆可○氣痛加吳茱萸○痰盛加二陳湯

婦人經水或前或後或多或少或崩不來或一月兩來者

俱是不調之故也

○千金調經湯治婦女經水不調或前或後或經小產或帶下三六病腹痛口乾或發熱小腹急痛手足煩熱大腑不調時時泄血經水不調久不懷孕

當歸 川芎 白芍酒炒 各人參 阿膠炒

牡丹皮 肉桂各一錢 吳茱萸炒 麥門冬去心

半夏姜製各一錢半 甘草 五分

右判一劑生薑煎服

經水先期而來者血虛有熱也治當補血清熱經自准也

當歸一錢半 川芎 五分 白芍酒炒 八分 生地黄 一錢

阿膠炒 五分 艾葉 三分 條芩 一錢 黃連姜炒 八分

黃柏 五分 知母 五分 香附 一錢 甘草 三分

右判一劑水煎空心温服

經水過期不來作痛者血虛有寒也治當温經養血痛自止也

當歸一錢半 川芎五分 白芍一錢 熟地黄一錢

桃仁二十箇去皮 紅花三分 香附一錢 肉桂五分

蓬朮一錢 蘇木一錢 木通八分 甘草五分

右判一劑水煎空心温服

經水將來作痛者血實氣滯也腹中陣陣作痛乍作乍止氣血俱實治當行經順氣

痛自止也

當歸 川芎 白芍 生地黄 黃連

香附 桃仁去皮 紅花莖半 玄胡索 牡丹皮

莪朮各等分

清熱調血湯

順氣散瘀湯

右判一劑水煎空心温服發熱加柴胡黃芩

經行着氣作心腹腰脇疼痛者乃瘀血也治當順氣消瘀痛自止也

當歸 川芎 白芍 生地黄 桃仁去皮

紅花 玄胡索 莪朮 青皮

右判一劑水煎温服

經水過期而來紫黑成塊者氣鬱血滯也治當調經順氣經自准也

當歸 川芎 白芍 生地黄 桃仁去皮

紅花 牡丹皮 青皮 香附 玄胡索

甘草 右判一劑水煎服

經水過期而來色淡者痰多也治當活血化痰經自調也

當歸 川芎 白芍 生地黄 陳皮

半夏姜炒 白茯苓去皮

甘草各等分

右剉一劑生薑三片水煎服

經水過期而來作痛者血虛有熱也治當生血清熱痛自止也

當歸 川芎 白芍酒炒 生地黃 牡丹皮

桃仁去皮 紅花 木香 香附 玄胡索

甘草 右剉水煎溫服

經水過多久不止者成血崩也治當涼血補血經自止也

當歸 川芎 白芍酒炒 生地黃 白朮

條芩 阿膠炒 白茯苓去皮 山柰炒

地榆 荆芥 香附 甘草

右剉水煎空心服久不止者加搗茅根汁磨墨同服

經水行後作痛者氣血虛也治當調養氣血痛自止也

當歸 川芎 白芍酒炒 熟地 人參

白朮去蘆 白茯苓 乾薑炒 甘草

右剉一劑薑棗煎服

經水去多久不止發腫滿者是脾經血虛也治當補血健脾利小便水腫自消也

當歸 川芎 白芍酒炒 熟地黃 茯苓

白朮 砂仁 大腹皮 木香 陳皮

厚朴姜汁炒 蘇子 猪苓 木通 香附

玄胡索 牛膝去蘆 甘草

右剉一劑水煎溫服

經水月久不行發腫者是瘀血滲入脾經也治當活血消也脾行氣腫自

當歸 川芎 白芍 桃仁去皮 紅花

牡丹皮 乾薑 肉桂 厚朴 枳殼麥炒

木香 香附 牛膝去蘆 玄胡索

右判劑水煎服

經水月久不行腹脇有塊作疼者是血結癥瘕也治當調塊漸消也

當歸 川芎 砂仁 木香 小茴

乳香 枳實麥炒 厚朴姜炒 桃仁 紅花

牡丹皮 肉桂 香附 玄胡索 牛膝去芦

右判劑水煎溫服

錯經妄行於口鼻者是火載血上氣之亂也治當滋陰降經自准也脈必弦滑久而不治乃成虛怯

當歸 川芎 白芍 生地黄 黃芩

山柘 牡丹皮 犀角 阿膠炒 白茯苓去

麥門冬去心 陳皮 右判劑水煎溫服

經行身痛麻痺寒熱頭疼者乃觸經感冒也

○加減五積散治婦人遇經行時沿身疼痛手足麻痺或依本方去乾薑加羌活獨活牛膝薑蔥煎服方見中寒

經水不調或腹痛白帶或淋瀝不止或肌瘦者此血氣俱

虛也

○大補經湯 治婦人氣血虛弱血海寒冷經水不調或時
分信期每月淋瀝不止而色痿黃四肢無力頭目眩暈
肌體羸瘦

當歸 酒洗 白芍 酒炒 香附 各六分 川芎 熟地黃 各五分

白朮 去蘆 白茯苓 皮去 黃耆 陳皮 玄胡索 各四分

人參 砂仁 阿膠 炒 沉香 研 小茴 酒炒

吳茱萸 炒 肉桂 粉草 各三分

右判一劑薑棗煎服

○經驗調經湯 治婦人經水或前或後或多或少

當歸 熟地黃 香附 各一分 錢 白芍 酒炒

吳茱萸 炒 大腹皮 紫荊皮 肉蓯蓉 各一錢

川芎

條芩 各七分

粉草 五分

右判一劑生薑三片棗一枚水煎待經至之日服起一
日一劑服至四劑而止經即對

○艾附暖宮丸 治婦人經水不調小腹時痛赤白帶下子
宮虛寒

南香附米 一斤 四兩醋浸 四兩湯浸 四兩童便浸
各浸一宿焙乾

北艾葉 焙乾搗爛去灰醋 當歸 川芎 白芍 酒
熟地黃 姜汁炒 各 玄胡索 炒 二 甘草 生用 八錢

右為細末醋糊為丸如梧桐子大每服七八十九空心
米湯送下或酒亦可

○調經八物丸 養血調經如期除赤白帶久服立孕

當歸 酒洗 南芎 鹽湯浸 白芍 酒炒 一 熟地黃 酒浸 二兩

白茯苓去皮一兩

白朮米泔浸橘皮鹽湯洗一兩

條芩酒炒一兩 牡丹皮 一兩 玄胡索酒炒一兩

右為末煉蜜為丸如梧桐子大每服八九十九空心淡鹽湯下寒月酒下

一婦人晡熱肢體疲倦食少無味月經不行或鼻衄或血崩半載矣或用順氣清熱等劑不應更加寒熱且時欲作嘔余以為鬱怒虧損脾胃虛火錯經妄行而然耳遂朝用補中益氣湯夕用六味丸各數劑半載而痊方見補益
一婦人經行遇怒其經即止甚則口噤筋攣鼻衄頭痛痰氣搐搦瞳子上視此肝火熾甚以小柴胡湯加熟地黃山桅釣藤釣而愈方見傷寒

一婦人多怒經行旬餘方止後淋瀝無期肌體倦瘦口乾內熱盜汗如洗日晡熱甚皆由肝脾虧損無以生發元氣用補中益氣湯加茯神遠志酸棗仁麥門五味丹皮龍眼肉治之獲痊方見補益

一婦人經行感冒風邪晝則安靜夜則譫語此熱入血室也用小柴胡方見傷寒加生地治之頓安但內熱頭暈用補中益氣方見補益加蔓荊子而愈後因怒惱寒熱譫語胃脇脹痛小便頻數月經先期此肝火血熱妄行用加味逍遙加生地而愈方見婦人虛勞

經閉

婦人壯盛經閉者此血實氣滯宜專攻也

○通經丸 治經閉並乾血氣

班猫二十箇 糯米炒 大黃五錢 桃仁四十九箇

右為末酒糊為丸如梧桐子大空心酒下五七丸甚者十五丸如血枯經閉者用四物湯送下

○通經甘露丸 治婦人經血不通崩漏腸風赤白帶下血風五淋產後積血男女五勞七傷及小兒骨蒸勞熱夫婦陰血陽精不交諸疾神效

大黃四兩 用頭紅花四兩 入水取汁浸一日不用煎
童便四兩 用好酒浸一日令軟切片如杏核大晒乾不用
入巴豆去皮二十五粒 同炒黃色去豆不用四兩用
當歸四兩 入淡醋浸一日晒乾不用當歸

右四分共合一匙入南木香一兩百草霜五錢共為細末以當歸醋紅花水煮米糊為丸如梧桐子大每服三

四十九空心溫酒下

○取經丸 治婦人經閉不通不論新久

乳香 沒藥 孩兒茶 巴豆去殼

葱白各五 班猫五箇

右為末共搗為丸綿裹三層繫放筒上將綿繫住送入陰戶內三四寸許俟一炷香時經水即下

○一粒仙丹 治婦人乾血勞并赤白帶下種子如神

巴豆一百二十箇 去殼用新磚一箇將巴豆紙包放磚上搥去油令淨如麵白方好用
班猫六十箇 去翅足為末 穿山甲五錢 油煎 皂角一兩 刮粗皮
苦苧藤末一兩 大黃末一兩 火炮為末

右合一匙以棗煮去皮核丸藥如彈子大用錦繡張

畏藥在內穿入三寸竹筒上頭後仍留係二三寸餘挽
 一轉不令藥氣出外用時先以溫水洗陰內令潔淨拭
 乾却以葱汁浸濕藥頭送入子宮極深處整一日一夜
 取出藥不用此藥用後少間再冷氣下行發寒發熱如
 傷寒之狀不怕飲食任意食用無妨半日即通或鮮血
 或死血一切惡物悉下忌生冷發物自此子宮和暖而
 交媾則有孕矣

婦人虛弱經閉者此血衄枯竭宜補經自通也

○通經調氣湯 治婦女經閉虛弱者

- 當歸 酒洗 川芎 白芍 酒炒 生地黃 酒浸 香附 童便炒 各一兩
- 牡丹皮 八錢 柴胡 六錢 黃柏 酒炒 知母 酒童便炒 八錢

○牡丹皮湯 治室女經閉咳嗽發熱

- 黃芩 酒炒 牛膝 洗去芦酒 桃仁 紅花 量
- 右剉作十劑水煎空心一服臨臥一服

○養真湯 婦人經閉不通臍下一塊已經三載顏色如故
 百藥無功服此數劑經行又投數服而塊消矣

- 當歸 酒炒 川芎 白芍 酒炒 熟地 姜汁 山茱萸 去核
- 白茯苓 去皮 梔子 炒 小茴 酒炒 益母草
- 香附 酒醋米泔 陳皮 各等
- 右剉六劑水煎服盡經通後此作丸服

○六味地黄丸 治婦女經閉發熱或咳嗽等症方見補益
婦人半虛半實經閉者宜攻補兼施也
○通經湯 治婦女經閉者

當歸 川芎 白芍 生地 大黃

官桂 厚朴 枳殼 枳實 黃芩

蘇木 紅花 烏梅

右劉一劑薑棗煎服

○調經養血丸 治婦女經脈不行或不調或前或後赤白帶下久不感孕服此有孕住服

香附 十二兩酒醋鹽湯重 當歸 酒洗 白芍 酒炒各

川芎 一兩 生地黃 酒洗二兩 茯苓 去皮 白芷 一兩

牡丹皮 酒洗二兩 乾薑 炒一兩 肉桂 一兩 紅花 一兩

桃仁 泡去皮 玄胡 六錢 沒藥 一兩 半夏 香油炒

阿膠 炒成珠 小茴 炒二錢 莪朮 煨醋炒

甘草 炙五錢

右為末醋糊丸每服八十九空心白湯黃酒任下

婦人經閉有積塊者宜養血破積也

○四物調經湯 治婦女或十五六歲經脈不行日夜生寒中忽然結塊冲動痛者此候食生冷傷感而致也

當歸 酒洗 川芎 白芍 酒炒 柴胡 黃芩

枳殼 去穢麥炒各八分 熟地 酒浸 陳皮 莪朮 醋炒

三稜 醋炒 白朮 去蘆 白芷 小茴 鹽水 玄胡 各五分

香附 童便炒二分 錢 青皮 麥炒 砂仁 紅花

甘草各四分

右判一劑生薑三片葱白三根水煎溫服○若有塊不通須與調經丸間服○遍身疼痛加羌活獨活○咳嗽加杏仁五味子各五分○肚痛加炒乾漆七分○瘡疾加草果常山○泄瀉去枳殼加肉蔻

調經丸

- 當歸 酒洗
- 川芎
- 熟苧 姜汁炒
- 青皮 麩炒
- 陳皮
- 枳殼 去穢炒
- 白朮 去蘆
- 厚朴 姜汁炒
- 小茴香 炒
- 艾葉 去筋各一兩
- 香附 五兩 醋炒
- 三稜 煨醋
- 莪朮 煨醋
- 砂仁
- 白芷
- 牛膝 酒洗
- 玄胡 各一兩
- 粉草
- 琥珀 各五錢 另研入

炆鳥光反痿弱也又瘡病

右為末醋打糊為丸梧桐子大每服八九十九米湯下酒亦可若肚痛以蒼朮去白朮婦人經通之後宜調理之劑也

○加減四物湯加香附陳皮之類方見補益

○滋陰百補丸 治女人勞傷氣血不足陰陽不和乍寒乍熱心腹疼痛不思飲食疝癰怒力

- 香附 一斤 炒去毛
- 熟苧 酒洗
- 白朮 去蘆各四兩
- 人參 去蘆
- 當歸 六兩 酒浸
- 川芎
- 熟苧 酒洗
- 白朮 去蘆各四兩
- 人參 去蘆
- 茯苓 去皮
- 玄胡索 各二兩
- 白芍 三兩 炒
- 甘草 炙一兩

右為末煉蜜丸梧桐子大每服六十九空心宿砂湯下或酒醋白滾水任下

一婦人胃氣素弱為哭母吐血咳嗽發熱盜汗經水三月

不行余以為悲則傷肺思則傷脾遂朝服補中益氣方
見補益加桔梗貝母知母夕用歸脾湯方見健忘送六
味丸而愈方見補益

一婦人又患瘡瘡作則經不行形虛脉大頭痛懶食大便
泄瀉小便淋瀝口乾唇裂內熱腹脹蓋由久瘡正氣已
虛陰火獨旺用補中益氣治之尋愈惟不時頭痛乃加
蔓荆子而痛止又兼用六味丸而經行方見補益

魏憲副寵夫人患逆經吐血不止予診六脉微瀯有力此
血虛火盛也以四物去熟地黃用生地黃共一兩加酒
蒸大黃一兩同煎入童便服之服後血止經通矣
徐憲副寵夫人患經閉人皆擬有孕至七八箇月薄覺黃

瘦腹中左右有塊如鼓發熱面赤不思飲食余診六脉
微瀯此血枯氣鬱也以四物湯加香附牡丹皮白朮之
類十數服又加桃仁紅花又數服方與四炒枳殼丸不
三四服打下血塊若許始愈

血崩

脉帶下崩中脉多浮動虛遲者生實數者重

崩漏者有新久虛實之不同也
初起屬實熱者宜解毒也

黃連

黃芩

黃柏

生地黃

蒲黃

右剉水煎空心服

○治婦人血崩年四十已上悲哀太甚則心驚急肺葉
焦血上焦不通熱氣在中故血走而崩面

黃肌瘦慎不可服燥熱之藥蓋血熱而流行先以

黃連解毒湯後以涼膈散合四物湯調治効

稍久屬虛熱者宜養血而清火也

○溫清飲 治婦人經脈不任或如豆汁五色相雜面色萎黃脘腹刺痛寒熱往來崩漏不止

當歸 白芍 熟地黃 川芎 黃連

黃芩 黃柏 梔子 各一錢半

右剉一劑水煎空心服

日久屬虛寒者宜溫補也

○益母湯 治婦人血崩

當歸 川芎 白芍 酒炒 熟地黃 姜汁 條芩

陳皮 香附 醋炒 阿膠 蛤粉炒 益母草

白朮 去蘆各一錢半 玄參 蒲黃 炒各八分 甘草 四分

右剉一劑水煎空心服

○五灰散 治血不止成血崩

蓮蓬殼 黃絹 血餘 百草霜 棕皮

右各燒灰加山梔炒黑蒲黃 炒 黑墨 血竭 共為細末調

入前藥服之或煉蜜為丸每服五十九清米湯送下

○秘傳經驗治血崩雜方

一方用乾黑鹽糞為粗末入壘內燒煙令崩婦坐其上

烟薰久久自愈

○一方用黑京墨燒烟盡為末服一錢黃酒調下

○一方用管仲燒存性為末黃酒調下

○一方用刺刺芽汁加童便和酒服

○一方用乾漆燒灰三錢五靈芝一豆大為末同黃酒下

○一方用柿餅燒灰二錢白熟水下

○一方用棉花子仁炒黃色甘草黃芩等分為末每服

一錢空心黃酒下

○一方用香附炒四錢五靈芝炒二兩歸尾一兩二十錢共

為末每服一錢空心黃酒下或米糊為丸梧桐子大每服五十九丸空心醋湯下

○一方治漏不止

用槐子燒存性為末空心溫熱水送下三錢立止

○一方治崩漏如神

童子髮焙乾小桃紅子不拘多少共為細末黃酒送下

○一方治紅脉不止

狗頭骨燒灰為末羅細用好徽州瓶酒一鍾用灰一分

二鍾用二分三鍾用三分如不止者照常加至七鍾用

七分神效

一婦人崩漏面黃或赤時覺腰間臍下痛四肢困倦煩熱

不安其經行先發寒熱兩脇如束此脾胃虧損元氣下

陷與相火濕熱下迫所致用補中益氣湯加防風芍藥

炒黑黃柏兼服歸脾湯而愈補中益氣湯方見內傷歸脾湯方見健忘

一女子漏下惡血月經不調或暴崩不止多下水漿之物

或白帶脫漏不止皆因飲食不節勞倦所傷或素有心

氣不足致令心火乘脾必怠惰嗜卧困倦乏力氣短氣
 急脾主滋榮週身者也脾胃虛而心胞乘之故漏下月
 水不調也况脾胃為血氣陰陽之根蒂也當除濕去熱
 抑風氣上伸以勝其濕又云火鬱則發之用補中益氣
 湯去陳皮人參白朮加蒼朮藁本防風羌活獨活蔓荊
 子

補遺方

○樗白湯 治崩漏不止

- 樗白皮 二錢即真椿根皮
- 枯芩 一錢半涼血
- 熟地黃 一錢補血
- 當歸頭 一錢半止血
- 地榆 一錢收斂
- 川芎 一錢酒炒
- 白芍 八分
- 生地黃 七分
- 伏龍肝 一錢
- 艾葉 炒六分

右剉一劑水二鍾醋一匙煎八分空心服三五劑即止

帶下

婦人赤白帶下者皆因月經不調房色過度或產後血虛
 胃中濕痰流下滲入膀胱而滯也腰酸頭運眼花小腹
 脹痛四肢無力困倦而虛用八物湯加減吞下止帶丸
 肥人多痰有帶症瘦人多火亦有之帶與夢遺同法
 帶下屬氣血虛者

○加減八物湯 治婦人赤白帶下

- 當歸
- 川芎
- 白芍 酒炒
- 生地黃
- 人參 去蘆
- 白朮 去蘆
- 茯苓 去皮
- 山藥
- 杜仲 酒炒
- 香附 炒各等分
- 甘草 棧半
- 烏梅 一箇

右判一劑薑棗煎食前温服○肥人加半夏○瘦人加黃栢○飽悶去人參加砂仁○腹痛加小茴玄胡去人參○冬加煨乾薑少許

○止帶丸

當歸 酒洗 川芎

白朮 去蘆 人參 去蘆 山藥

杜仲 姜汁酒炒 去絲

香附 醋炒 青黛 減半 牡蠣 火煨

破故紙 酒炒

續斷 椿根皮 此藥大治白帶 酒炒各等分

右為細末煉蜜為丸梧桐子大每服五十九空心清米湯吞下○腹痛加玄胡索茴香去人參○飽悶加砂仁去人參○夏月加黃栢○冬月加煨乾薑少許○肥人加薑製半夏○瘦人加酒炒黃栢

帶下屬虛寒者

○五積散 治婦人赤白帶下方見中寒

依本方加香附子小茴香吳茱萸

○四仙散 治婦人白帶

蒼朮 一兩酒浸去黑皮炒乾

白芷 川芎

大附子 麵包煨去皮臍各五錢

右為末每服五分空心好酒調下

○香朮丸 治婦人白帶臍腹脹痛

香附 醋浸煮乾八兩

蒼朮 米泔浸四兩

陳皮 當歸 酒洗

川芎

白芍 酒炒

熟地黃 姜汁酒浸煨各二兩

右為末酒糊為丸如梧桐子大每服卅九空心温酒下

帶下屬濕痰者

○加味二陳湯

帶下屬濕熱者

○固經丸

黃栢酒浸 香附炒各 山桅炒黑 敗龜酒炙各

白朮去蘆 白芍酒炒各 山茱萸酒蒸 椿根皮酒炒各

貝母去心 乾薑炒各 苦參五錢

右為末酒糊為丸梧桐子大每服八十九空心滾熟水下

○加減六合湯治婦人上有痰火下有白帶腹痛上

當歸酒洗 白芍酒炒 川芎鹽水浸 熟地黃酒洗焙

橘紅鹽水洗去 白茯苓去皮 甘草炙四分

半夏姜製 貝母去心糯米拌 白朮去蘆一錢

黃栢酒炒 知母酒炒 椿根皮酒炒一錢

右剉一劑生薑三片水煎空心熱服若上痰火盛加枯

麥七分臨卧服

○水帶六合丸一名益氣固腸丸治赤白帶下肚腹疼痛和

白朮米泔 蒼朮米泔 白茯苓皮去 陳皮鹽水洗 當歸酒洗

白芍酒炒各 熟地酒洗 半夏姜製

椿根白皮洗焙各一 牡丹皮 黃栢酒炒各一兩

甘草炙一兩 防風九錢 升麻八錢

右為末酒糊丸如梧子大每服百丸空心米湯下鹽湯亦可一方加香附枳殼

○滋榮收帶丸 治崩後氣下陷或白帶小腹脹滿痛甚等症

當歸 酒洗 白芍 酒炒

蒼朮 米泔製 白茯苓 去皮 黃柏 酒炒

椿根皮 焙各一兩

白朮 二兩 半夏 姜製八錢

川芎 鹽湯浸切七錢

香附米 鹽水浸炒六錢 防風

升麻 青皮醋炒各五錢

木香 大甘草炮各四錢

右為細末酒打糊為丸如梧桐子大每服一百二十九

空心鹽湯米湯白湯任下

○雙白丸 治白帶如神

石灰一兩白茯苓二兩為末水丸每服三十九空心白

水下

○專治赤白帶下

蕎麥麵不拘多少用鷄子清為丸每服三十九白湯

送下即愈

一婦人頭暈吐痰胃痛氣喘得食稍緩苦於白帶二十餘

年諸藥不應此氣虛而痰飲也痰飲愈而帶自愈遂朝

用六君子湯夕用六味丸不月而驗方見補益

一婦人帶下四肢無力余曰四肢者土也此脾胃虛弱濕

痰下注以補中益氣歸脾二藥治之而愈

一婦人年踰六十內熱口乾勞則頭暈吐痰帶下或用化

痰行氣前症益甚飲食愈少肢體或麻恪服祛風化痰

肢體常麻手足或冷或熱日漸消瘦余曰症屬脾氣虛

弱而不能生肺祛風之劑復損諸經也當滋化源遂用

補中益氣加茯苓半夏炮薑二十餘劑脾氣漸復飲食漸加諸症頓愈方見補益

虛勞

肺脈來數大或虛細弦急

虛勞者多因氣結憂思恐驚或情慾動心或經水不調變生諸病上盛下虛脚手心熱或皮焦骨熱或午後怕寒夜間發熱或日夜不退盜汗減食懶雜怔忡嘔噦煩燥胃腹作痛飽悶作瀉痞塊虛驚面白唇紅頭目眩暈腰背酸痛四肢困倦無力小便赤色重則尿火上攻兩頰頰赤骨蒸勞熱陰虛火動也治之宜養血健脾以治其

玄珠道遙散

治日夜虛熱脈微細

柴胡散

往來此阴阳相

勝阴勝則寒

阳勝則熱或

胎前雜病但

服此湯如遠湯

發雪柴芍

荆桂各二支

水煎二耳仍服

小柴胡湯三五

服

本降火清鬱以治其標以道遙散茯苓補心湯之類選而用之

虛勞吐血者

清肺飲子 治婦女虛勞發熱咳嗽吐血先服此清熱止

當歸 酒洗 川芎 黃芩 貝母 去心 知母 蜜水

阿膠珠 蒲黃 炒 陳皮 各八 白芍 酒炒 生地黃

天門冬 去心 麥門冬 去心 前胡 各一 薄荷 六分 枳殼 炒

藕節 十片 甘草 炙三分

右剉一劑水一鍾半煎至一鍾食後徐徐溫服

虛勞熱嗽有汗者

道遙散 治肝脾血虛發熱或潮熱或自汗盜汗或頭痛

腹作痛或小腹重墜水道痛或腫痛出膿內熱作渴

當歸 酒洗 白芍 酒炒 白朮 土炒 白茯苓

柴胡 酒炒各一錢 甘草 炙五分

右剉一劑煨薑一片薄荷少許水煎服○加牡丹皮梔子炒名加味道遙散

○滋陰至寶湯

治婦人諸虛百損五勞七傷經脈不調肢體羸瘦此藥專調經水滋血脈補虛勞扶元氣健脾胃養心肺潤咽喉清頭目定心驚安神魄退潮熱除骨蒸止喘嗽化痰涎收盜汗住泄瀉開鬱氣利胃膈療腹痛解煩渴散寒熱祛體疼大有奇効不能盡述

當歸 酒洗 白朮 去蘆 白芍 酒炒 白茯苓 去陳皮

知母 生用最能瀉虛中之火 貝母 去心 香附 童便炒 地骨皮 去骨

麥門冬 去心各八分 薄荷 柴胡 酒炒 甘草 各三分

右剉一劑用煨生薑三片水煎溫服

虛勞熱嗽無汗者

○茯苓補心湯

治婦人以血旺氣衰為本心主生血肝藏血又不能制乎肺金使肺氣得以乘乎肝木肝之虧損則不能藏血漸至枯涸不榮經絡故月信不調矣此藥專補心元之虛抑其肺氣之盛調和榮衛滋養血脈其疾自愈兼治去血過多虛勞發熱及吐血衄血咳嗽痰喘上壅胃膈不利

當歸 川芎 白芍 酒炒 熟芩 陳皮 半夏 炒

白茯苓 去皮 桔梗 去蘆 枳殼 麩炒 前胡 去蘆各一錢 乾葛

紫蘇 各七錢 人參 木香 各五分 甘草 三分

右剉一劑薑棗煎服

○滋陰地黃丸

治婦人經水不調或不通虛勞吐血衄血咳血便血發熱咳嗽盜汗痰喘心喘一切

羸損瘦怯之病

熟地黄姜汁浸 山藥二兩 山茱萸酒蒸去核二兩 白茯苓去皮

牡丹皮去骨 澤瀉去毛各一兩半 天門冬去心

生地黄酒洗 麥門冬去心 知母去毛酒炒 貝母去心

當歸酒洗 香附米童便浸炒

右為細末煉蜜丸 梧桐子大每服百丸空心鹽湯下痰唾淡薑湯下

烏骨鷄丸治婦人羸弱咳嗽吐痰或骨蒸勞熱或赤帶下或經水不調形體瘦倦無力或口乾舌燥

人參五錢 當歸酒洗 熟芩姜汁浸焙 白芍酒炒

白茯苓去皮各一兩 香附童便浸炒一兩 川芎 陳皮

秦光 玄胡索 貝母去心 牡丹皮七錢

甘草七錢 右俱剉成飲片聽用

用黃芩為末拌飯喂烏鷄至肌肥眼生駘盡死燥去

毛破開取出腸胃好酒洗淨入前藥飲片在鷄肚內線

縫住用酒醋等分煮鷄爛如泥撈起焙乾或晒乾為細

末將鷄汁打麪糊為丸梧桐子大每服五十九空心清

米湯吞服

一婦人為哭母吐血咳嗽發熱盜汗經水不行此悲傷肺

思傷脾朝服補中益氣加桔梗貝母知母夕服歸脾湯

方見健忘送下六味丸而愈

一女子懷抱素鬱胃滿食少吐血面赤用六味丸及歸脾

加山梔貝母為藥而愈

一婦人素勤苦冬初咳嗽發熱吐血盜汗遍身作痛或寒熱往來用化痰降火之藥口噤筋攣此血本虛而藥復損之耳余用八味丸為主佐以補中益氣麥門五味山藥半餘而痊

一婦人患勞嗽不時發熱或時寒熱或用清熱之劑其熱益甚盜汗口乾兩足如炙遍身皆熱昏憤如醉良久熱止方甦或晡熱至旦方止此陰血虛而陽氣弱也余朝六味丸料夕用十全大補湯月餘諸症稍愈更兼以補中益氣湯兩月餘而愈已上方俱見補益

求嗣

求嗣之脈專責於尺右尺偏旺火動好色左尺偏旺陰

虛非福惟沈滑勻易為生息微瀦精清兼遲冷極若見

微濡入房無力女不好生亦尺脈瀦

一氣既分兩儀肇判萬物之中而惟人最靈通天地之幽

微達聖賢之蘊奧審神仙之法術窮造化之根源無所

不知矣自盤古及今逮羲農之為帝分陰陽運會之源

流有夫婦人倫之道理故普天率土之姓貴賤窮達之

人無子覆宗絕嗣者寧不測然而痛哉則夫男女之生

本陰陽自然之奧理若非智術勉強之為也但世情早

立嗣者以為常未立嗣者以為變諂瀆鬼神齋僧佈施

以求獲嗣其愚甚矣其實萬戶之侯無能以繼百畝之

田無後孰能與守是誠可悲也無嗣有不動心而求者

寡矣故孟子曰不孝有三無後爲大誠哉是言也求嗣者不若求之於已其理甚明人所易曉愚竊聞皇帝之論驗百家之仙方秘訣雖乃不經之言是或一種之道惟取其生育立昭之理胎月合配之妙虛陰老陽之說其道專生乎男其訣不生乎瘡疹其子且壽而弗夭胎連生女而轉男之嗣者效之每每經驗百無一謬好事者潛心於此不惟得嗣子凡興陽採戰固精取藥養身之術無不在其中矣豈指事論事而已哉人間大道乃我衆仙師之秘訣誠不可輕泄而易露也珍之重之軒轅曰婦人有徹老不生男女者何也多因房事損動臟腑或天癸不通子宮挾寒或男子事狂陽弱精少清寒

不能射又不既濟而相勝此所以不生長故也或有正生產常年便斷六七年數歲不生何也亦由女人上有數疾勞損身體以致經脈不調雖有亦微弱亦難以容納陽精如主請客而無備客來多而不管待比賓主不能相歡客何以久留此又難以生長也須要陽事舉經脈勻子宮煖精純熱且壯射而相濟然後可成故是月生者中道不足月生者貧薄過月生者其子貴重決矣

交合月日時刻佳期論

凡女人生長十三歲爲始至四十九歲爲終五十歲生者四十九歲受胎來也每年十二月有生男生女之月不同按婦歲數有三十七圖交合可棟生男之月以待婦

人經水來時有兩日半淨者三日淨者亦有女人血旺
氣盛六七日淨者不可拘定但觀寶田看經水之顏色
何如耳乃以潔白之物或絲或帛夾之于戶口取而目
之金色者乃佳期也鮮紅者未淨不及也淺淡者太過
也惟以敗血去淨新血生如金者為佳期此時交合無
不成矣若先期而交者縱使施精則金水大盛子宮淤
塞且無受精之處胎亦難成後期而交者則子宮已閉
施精亦無門而入胎豈有成也哉所謂敗血已淨子宮
空虛新血復生正等陽時乃是乾道之日此時施精
如爐煉金如漿點腐立胎箇箇成矣又云經水淨後單

日下種則成男雙日下種則成女四日以後不成矣施
精亦要在子時後方可也蓋子時後夜氣清明一陽發
生古語云一陽動處外興工是也以時施精順則成人
也此時脩煉逆則成丹也此時再遇天晴月朗風日清
和又是成定吉日又逢天月二德合日行房不惟成子
而子且貴神氣清秀聰明必過人矣或揀生女月交合
却生男揀生男月交合却生女何也蓋陰陽運會之差
以致胎氣之錯如女胎當以男名喚男胎當以女名呼
湯名呼喚可保長生矣

結胎交合妙訣

美子要摘金丹先要點穴動情結胎若要都成須明交合

之道要興陽要動情要素戰要採藥要頓挫要斟酌要
 謹慎要用功然後其胎可成未交之先要種子先將紅
 印紙剪下燒灰無根水調女人面東服之然後交接使
 夫婦各飲微醺乃有興趣或以言語引戲手足撫摩挑
 挽皮面相猥女人面赤用手抱接可見慾動矣如男子
 陽事未舉却取月花秀氣以意運下興陽再戰蟠挑猥
 爐鑄劍走馬撫琴以招鳳至然後交合望鳳而進龜第
 一要藏神只可體交不可神交令鳴器端睡正卧甚勿
 偏斜如泄精却用五字之訣露 霧 霞 電 霽
 以使神於利害怒惡之地進退交合以待女人藥生果
 見目瞑身顫兩頰赤熱鼻口涼氣兩手若緊抱莢子亦

開弓鼻口接吸女人真氣却用神交着力深入直撞鳳
 凰靈臺女人肢體不取滑精流溢此則女人快美之極
 子宮正開之際男子亦泄精陽先至畏陰定生女陰先
 降包陽定成男此所謂陰陽固濟相盛一種一子百種
 百男胎皆成也均記泄精之時猛咬女人上唇令其自
 驚仍用男呼女吸如恐大小便之狀則精始混融而成
 胎矣殊不知子宮有二穴男在左穴女在右穴入爐偏
 於左施精亦在於左交合畢令女人穩睡勿動屈左足
 而左側卧者男胎多成若屈右足而右側卧則女胎多
 成頓飯時節不可動身始交之時令鳴器先去小便交
 後不可小解此胎定成無錯矣且若不用壯陽敗陰之

手假若陰盛之婦而遇衰老之夫將何以使陰精之
先至而必于生男哉

胎成禁忌秘訣

胎既成矣則陰陽之精且純渾融一氣已無雜氣脉精血
蓋嫩而未老動之易尅而易化第恐風邪感入損傷胎
氣切記復後連交挾持重物過險超墜深怒大笑大驚
高語是何也蓋以胎嬰之結一月如白露二月如挑花
三月之後男女分可當靜以守之逸以待之故曰靜而
有常故也且如連交一次則胎息反被動搖感受風邪
入于子宮譬如果木開花若遇風寒霧露花定不能結
果縱有結成必定生蟲風落結胎後若要連交亦不能

以成子耳縱有一成亦不能結實完真非小產則胎風
非生蟲落而何將產若連交則胎受毒穢產後滿頭生
瘡之必然也慎之忌之

未及三月轉女成男妙訣

東南桃作新斧柄親夫張日自作成孕婦床下刃向上無
人見之男孕成若置抱鷄巢下安滿巢盡是鷄之雄雄
黃一塊賢騎當眞陽朝上產仙郎宜男萱草髮左簪此
花珮帶產兒童弓弦繫腰百日間轉女成男有萬千夫
髮手足指甲剪身鋪席下男即轉雄鷄長尾枝二莖插
安床下男即定軒轅野雲傳至今此訣種種皆曾應人
倫大道是真訣不遇明傳莫與命

畫八卦筭生男女歌 返而求之即種子訣

父母之年上下舉 坐胎之月為中主

乾坎艮震定是男 巽離坤兌決是女

筭男却生女 二六九歲死 筭女却生男

終久鬼來纏 若是正胎者 壽考不須言

婦人之道始於求子求子之法莫先調經每見婦人之無

子者其經必或前或後或多或少或將行作痛或行後

作痛或紫或黑或淡或凝而不調不調則血氣乖爭不

能成孕矣

婦人無子多因血氣俱虛不能攝養精氣故也

肥人痰多軀脂滿溢閉塞子宮治須消痰養血順氣

四物湯加白朮茯苓陳皮枳實半夏砂仁香附甘草

瘦人火多子宮乾燥無血治宜清熱補血

四物湯加入參茯苓黃芩山梔香附生地陳皮甘草

○調經種玉湯 調經種子百發百中

當歸 酒洗 川芎 各四錢 熟地黃 六錢 香附 炒六錢

白芍 酒炒 三錢 白茯苓 去皮 三錢 陳皮 三錢 吳茱萸 炒四錢

牡丹皮 玄胡索 各三錢

若過期而經水色淡者乃血虛有寒也加官桂炒乾薑

熟艾合二錢

若先期三五日色紫者加條芩三錢

右剉作四劑每一劑用生薑三片水一碗半煎至一碗

空心温服渣再煎臨卧服待經至之日服起一日一服藥盡經止則當交媾即成孕矣縱未成孕經當對期俟經來再服四劑必孕無疑矣

○種子濟陰丹 當服順氣養血調經脉益子宮療腹痛除帶下種子屢驗

香附米 四兩四劑一兩醋一兩酒一兩米益母草二兩童便各浸三日焙乾為末

當歸 酒洗一兩半 川芎 一兩 白芍 鹽酒炒一兩三錢

熟地黃 二兩姜汁炒 陳皮 去白一兩 半夏 姜汁浸香油炒一兩

白茯苓 去皮一兩 白朮 去蘆土炒一兩半 阿膠 蛤粉炒成珠二兩

艾葉 醋煮一兩 條芩 酒炒一兩 麥門冬 去心一兩 牡丹皮 酒洗一兩

川續斷 酒洗一兩 小茴 鹽酒炒五錢 玄胡索 四錢

沒藥 五錢 吳茱萸 炮炒五錢 炙甘草 三錢

右為細末酒糊為丸梧桐子大每服百丸空心米湯下

○各斯勝寶丸 治婦人經水不調膈腹冷痛赤白帶下一切虛寒之疾久無子息服之即孕屢用屢驗

大黃著 蜜炙 人參 去蘆 白朮 去蘆 白茯苓 去皮 當歸 酒洗

川芎 白芍 酒炒 肉桂 大附子 麩裹火煨去皮

乾薑 炒 胡椒 小茴香 鹽酒炒 破故紙 酒炒

艾葉 醋炒 烏藥 炒以上各 吳茱萸 三兩鹽水炒

香附米 六兩醋炒 蒼朮 四兩米泔浸炒 甘草 兩

右剉作片用白毛烏骨鷄一雙重一斤半或二斤者吊

死水泡去毛腸屎并頭脚翼尖不用將鷄放砂鍋裏將

前藥片蓋上入好酒煮爛為度取去骨同藥在鍋焙乾

為末將煮鷄酒汁打稀米糊為丸如梧桐子大每服五

十九空心好酒吞下

○女金丹

當歸酒洗川芎酒炒白芍酒炒人參去蘆白朮去蘆
 白茯苓皮去桂心去藁本去白薇去白芷去
 牡丹皮去赤石脂研另玄胡索研沒藥另研甘草各等分
 右各等分除石脂沒藥別研其餘皆以醇酒浸三日烘
 乾晒亦可為末足秤十五兩外用香附米去皮毛以水
炒為末足秤十五兩右共十二味和合重羅敷過煉蜜為丸彈子
 大磁器收封每取七丸空心雞未鳴時服一丸先以薄
 荷湯或茶灌漱咽喉後細嚼以溫酒或白湯送下鹹物
 乾果壓之服至四十九丸為一劑以癸水調平受孕為

度孕中三日一丸產後後二日一丸百日上盡人事而
 不育焉天矣一方去沒藥加沈香治婦人久虛無子及
 胎前產後一切病患男子積年血氣手脚麻痺半身不
 遂血崩帶下產後腹中結痛吐逆心痛并婦人諸虛不
 足心腹疼痛並治一方去桂用熟地黃丸如梧桐子丸
 每服五十九空心溫酒或白湯送下以乾物壓之

○百子建中丸

女服此藥調經養血安胎順氣不問胎前產後月事參
 差有餘不足諸症悉皆治之

真阿膠 二兩蛤粉炒成珠 蕪艾葉 二兩去梗醋煮干
 香附米 十二兩醋浸炒乾 去皮毛 當歸酒洗二兩 南川芎 二兩

白芍藥 酒炒二兩

熟地黄 姜汁浸焙二兩

右為細末煉蜜為丸梧桐子大每服八十九空心白沸湯點醋少許下內寒者溫酒下

○六味地黄丸 方見補益治婦人久無孕者加香附二兩童便炒用殊効

男子無嗣必用之藥

○固本健陽丹 凡人無子多是精血清冷或稟賦薄弱不能直射子宮故令無子豈可盡歸咎於母血之不足與虛寒耶

兔絲子 酒煮一兩半 白茯苓 去皮 山藥 酒蒸 牛膝 去蘆酒洗

杜仲 酒洗去皮 當歸身 酒洗 肉蓯蓉 酒浸 五味子 去梗

益智仁 鹽水炒 嫩鹿茸 酥炙以上 熟苧 酒蒸

山茱萸 酒蒸去核各三兩 川巴戟 酒浸去心二兩

續斷 酒浸

遠志 製

蛇床子 炒去壳各一加

人參 二兩

枸杞子 三兩 殊効

右為細末煉蜜為丸如梧桐子大每服五七十九空心

鹽湯送下酒亦可臨卧再進一服若婦人月候已盡此

是種子期也一日可服三次無妨如精不固加龍骨牡

蠣火煨鹽酒淬三五次各一兩三錢更加鹿茸五錢

劉小亭公年四十無子患陽事痿弱精如冰冷求治於予

曰君當神調理倘生子願當重報因診兩寸脉洪兩尺

脉沈微無力此真元衰憊乃斷喪過度所致也以固本

健陽丹加人參附子枸杞子覆盆子各二兩製一料服

盡覺下元溫暖如前又製一料服至半料而乃正果孕

生一子渠甚悅遂成某逆焉後傳之於劉栢亭劉敏庵
俱服之皆生子

娠

娠孕初時寸微五至三部平勻久按不替娠孕三月陰
搏於陽氣衰血旺脈正相當肝橫肺弱心滑而洪尺滑
帶散又按溢強或關滑大代止尤忙渴且脈遲其胎必
傷四月辨質右女左男或浮或沈疾大實兼左右俱盛
胎有二三更審經脈陰陽可參但疾不散五月懷就太
急太緩腫漏為殃六七月來脈喜實長沈遲而瀦墮胎
當防脈弦寒熱當燉子房八月弦實沈細非良少陰微
緊兩胎一傷勞力驚仆胎血難藏冲心悶痛色青必亡

足月脈亂反是吉祥

經脈不行已經三月者尺脈不正則是胎也

驗胎散

川芎為末每服一錢空心艾葉煎湯調下覺腹內微動
則有胎也若服後一日不動非胎必是經閉

艾醒湯如過月難明有無如月數未足難明
用好醋炆艾服半盞後腹中番大痛是有孕不為痛無
安胎者養血健脾清熱也

素有熱者宜

- 當歸 二錢
- 川芎 一錢
- 生地黃 一錢
- 益母草 一錢
- 白朮 二錢
- 條芩 一錢
- 砂仁 八分
- 香附米 童便炒

蘇梗 一錢 黃連 分 甘草 三分

右判一劑生薑三片水煎溫服

○安胎丸 姙娠常宜服之

當歸 川芎 白芍 條芩 各一 白朮 五錢

右為末酒糊丸梧桐子大每服五十九茶湯任下空心服日進三服此方養血清熱之藥也瘦人血少有熱胎動不安素慣半產者皆宜服之以清其源而後無患也

○素虛弱者宜

○芎歸補中湯 治婦人懷孕血氣虛弱不能榮養以致數

黃芪 蜜炙 人參 白朮 當歸 川芎

白芍 酒炒 乾薑 煨炒 阿膠 炒 五味子 杜仲 酒炒

木香 甘草 右判劑水煎服

○千金保胎丸 凡女人受胎經三二月而胎墮者雖氣血不

當歸 酒洗 川芎 一兩 熟苜 姜汁炒 阿膠 蛤粉炒二兩

艾葉 醋煮 砂仁 炒五錢 條芩 炒二兩 益母草 二兩

杜仲 去粗皮 姜汁 酒炒四兩 白朮 土炒 陳皮 一兩

續斷 酒洗 香附米 二兩 酒醋鹽水童便 各浸三日炒

右為細末黃棗肉為丸梧桐子大每服百九空心米湯下惡阻者惡心阻其飲食也

當歸 白芍 煨 陳皮 香附 炒 白朮 去蘆

半夏 姜湯泡香油炒過 不傷胎氣 白茯苓 去皮 藿香

竹葉湯

神麩炒 砂仁各等分 甘草裁半

右剉劑生薑三片棗一枚水煎温服

子煩者心神悶亂也

白茯苓去皮 防風一錢 麥門冬去心 黄芩各一錢半

右剉一劑竹葉五片水煎服

子癩者目吊口噤也

當歸 川芎 防風 獨活 茯苓

五加皮 薏苡仁 杏仁 酸棗仁 木香

羚羊角 甘草

右剉劑生薑五片水煎服

子懸者心胃脹痛也 胎前諸病總宜此方加裁

金書
加香附子名
紫蘇起氣飲

藥函名茯苓陽

當歸 川芎 白芍 人參 紫蘇

陳皮 大腹皮水洗 甘草

右剉劑生薑五片葱白七寸同煎服 腹痛加香附木

香 咳嗽加枳殼桑白皮 熱加條芩 嘔加砂仁 瀉加白木茯苓

子腫者面目虛浮也

當歸 川芎 白芍 熟地黃 茯苓

澤瀉 白木 條芩 梔子 麥門冬

厚朴 甘草

右剉劑水煎温服

子氣者兩足浮腫也

阿香作丸
右天仙藤散

天仙藤

即青木香藤洗畧炒

紫蘇

陳皮

香附

烏藥

木香

甘草

右剉生薑煎服加蒼朮尤良

子淋者小便澁少也

麥門冬

赤茯苓

木通

淡竹葉

右剉水煎空心服

轉胞者卒不得小便也

冬葵子

五錢

山梔子

五錢

木通

三錢

滑石

五錢

右剉一劑水煎溫服外以冬葵子山梔滑石為末田螺

肉搗膏或生葱汁調膏貼臍中立通

崩漏者血虛血漏下也

芎藭散

治妊娠外感風寒
渾身壯熱眼暈
頭旋心胸煩悶

蘇芎的木

麥陳蒿各四

甘半兩

右以咀去服

水一盞薑五片

葱白二寸煎服

○芎歸湯

治胎漏下血不止或心腹脹一服立効

當歸尾

川芎各五錢

右剉一劑酒煎入童便一盞同服

○膠艾四物湯

一名安胎飲治胎漏下血腹痛

當歸

川芎

白芍

酒炒

熟艾

阿膠

炒

條芩

白朮

去蘆

砂仁

香附

炒

艾葉

少許

右剉劑糯米一撮水煎空心服

胎動者因有所傷也

○佛手散

治妊娠五七月因事築礙着胎或子死腹中
惡露下痛不已口紫欲絕用此藥探之若不損
則痛止子母俱安若胎損即便逐下

當歸 六錢

川芎 四錢

益母草 五錢

右剉一劑水煎入酒一盞再煎一沸溫服如入約行五里再進一服

胎逆喘急者火動也

條芩 香附

右各等分爲末每服二錢白湯調下

妊娠傷寒護胎法

井底泥

青黛

伏龍肝

綠萍

阿膠

右爲末攪勻塗於孕婦臍中二寸許如乾再塗上以保胎孕也

一妊婦下血服涼血之藥下血益甚食少體倦此脾氣虛而不能攝血余用補中益氣湯而愈後因怒而寒熱其

血仍下此肝火旺而血沸騰用加味道遙散血止用補中益氣湯而安

中益氣湯而安

一妊婦下血發熱作渴食少體倦屬脾氣虛而肝火所侮用四君加柴胡山梔血止因怒復作用六君加柴胡山梔升麻而安

一妊婦胎六月體倦懶食面黃晡熱而胎不長因勞欲墜此脾氣不足也用八珍湯倍加參朮茯苓三十餘劑脾胃漸健胎安而長矣

一妊婦墮胎昏憤不時吐痰自用養血化痰之劑昏憤不省自汗發搐痰涎壅出彼以爲中風欲用祛風化痰云曰此屬脾氣虛寒所致遂用十全大補湯加炮薑二十

餘劑尋愈

一姓婦因怒吐血兩脇脹痛小便淋瀝此怒而血蓄於上隨火出也用小胡合四物四劑血止用六君子安胎飲調理而安

一婦人經閉八月肚腹漸大面色或青或黃用胎症之藥不應余診視之曰面青脉濡寒熱往來肝經血病也此鬱怒傷脾肝之症非胎也不信仍用治胎散不驗余用加味歸脾道遙二藥各二十餘劑諸症稍愈彼欲速効別服通經丸一服下血昏憤自汗惡寒手足俱冷嘔吐不食余用人參炮薑二劑漸愈又用十全大補湯五十餘劑而安已上俱見補益

劉尚書寵夫人有孕患惡阻嘔吐不止飲食不下心中煩

燥頭目眩暈諸醫以和脾胃之藥二陳湯藿香正氣散

保生湯之類遍投罔效予診左脉微數氣口數此血虛

氣盛有火也若不養血則火不降火不降則嘔不止以

茯苓補心湯加薑汁炒黃連竹茹二服全愈

一婦人每懷孕至三箇月必墮不肯服藥予以四五年老

母鷄煮湯入紅穀小黃米煮粥食之不數而胎固至月

滿而生男

產育

臨產六至脉號離經或沈細滑若無即生浮大難產寒

熱又頻此時凶候急於色微面頰唇舌忌黑與青面赤

母活子命必傾若胎在腹子母歸真

夫產育之難者此由產婦不曾預聞講說生育道理臨事
愴惶用力失宜遂有難產之患是故有逆產者則先露
足有橫產者則手先露坐產者則先露其臂此皆用力
太早之過夫當臍腹疼痛之初兒身纒轉而未順用力
一遍遂致橫逆若手足先露者用細針刺兒手足心一
二分深三四刺之以鹽塗其上輕輕送入兒得痛驚轉
一縮即順生矣或足先下者謂踏蓮花生急以鹽塗兒
脚底又可急搔之併以鹽摩母腹上則正生矣
凡胞衣不下乃母生兒訖流血入衣中衣為血所脹故不

婦

得下治之稍緩脹滿腹中以次上沖心胃疼痛喘急必
致危篤若偶此症急繫臍帶急斷之以物墜住使其子
血脉不潮入胞中則胞衣自當萎縮而下縱淹延數日
亦不害人只要產母心懷安泰不可輕信坐婆妾用手
法多因此而損者良可嘆哉又胞衣不下因產母元氣
衰薄者用芎歸倍桂以溫之自下

凡姪娘欲產痛陣尚踈經二三日不生或產母氣乏萎頸
產道乾澁致令難產纒覺腹痛但破水後便可服以五
積散加杏仁七粒木香磨順流水薑棗煎調百草霜末
一錢服之未經破水者勿服

凡生產先知此十證庶免子母之命所無虞也此之收

生者少有精良妙手多致傾命予因傷痛而備言之

一曰正產

正產者言懷胎十月陰陽氣足忽然作陣疼痛胎至谷道漿破血下見即正產

二曰傷產

傷產者言懷胎未足月有所傷動以致忽然臍腹疼痛或服催藥過早或產母努力太早逼見錯路不能正生凡分娩須待兒身轉順頭對產門努力一送兒即正生

三曰催生

催生者言欲產時兒頭至產門方服藥催之或經日久產母困倦難生宜服藥以助其血氣令兒速生

四曰凍產

凍產者言天氣寒冷產母血氣遲滯兒不能速生故衣裳宜厚產室宜煖昔心亦宜溫和庶兒易生

五曰熱產

熱產者言盛暑之月產婦當溫涼得宜熱甚產母則頭疼面赤昏暈若產室人眾熱氣蒸逼亦致前患名曰血暈若夏月風涼陰雨亦當謹避

六曰橫產

橫產者言兒方轉身產母用力逼之故也凡產母當令安然仰臥穩婆先推兒身順直頭對產門以中指探其肩不令臍帶霸板方用藥催之繼以產母努力兒即生

七日倒産

倒産者言兒未能轉身產母努力故也當令產母仰臥穩
婆推入候兒自順若良久不生令穩婆手入產戶一邊
撥兒轉順近產門却服催藥并努力即下

八日偏産

偏産者言兒回身未順生路產母努力逼兒頭偏一邊産
雖露頂非也乃額角耳當令產母仰臥穩婆輕手正其
頭向產門却令產母努力子即下若兒頂後骨偏住穀
道露額令穩婆以綿衣灸煖舉手於穀道外傍輕手推
正令產母努力兒即生

九日礙産

礙産者言兒身已順門路已正兒頭已露因兒轉身臍帶
絆其肩以至不能生令產母仰臥穩婆輕推兒向上以
中指按兒肩臍帶仍令兒身正順產母努力兒即生

十日坐産

坐産者言兒之欲生當從高處牢繫手巾一條令產母以
手攀之輕々屈坐令兒生下不可坐礙兒生路

十一日盤腸産

趙都運恭人每臨産則子腸先出然後産子其腸不收名
曰盤腸穩婆以醋水各半盞默然喫産婦面皆方收不
可不知

子死腹中

夫子死腹中者多因驚動太早或觸犯禁或抱腰太重或
頻探試水胞衣先破血水先盡而胎乾涸故取其候產
母唇舌青黑者子也俱死若舌黑或脹悶甚者然其子
已死矣先以平胃散一兩酒水各半煎却投朴硝半兩
即熟皮硝服或用硝一兩以童便調下亦妙

○平胃散

蒼朮 米泔浸 陳皮 厚朴 姜汁炒 甘草

右剉一劑酒水煎加朴硝再煎一二沸溫服
如因難產或太寒時急以大油紙撚徐徐斷其臍帶雖兒
已死令暖氣入腹多復得生切不可用刀斷之
產生難者燥澁緊斂也 催生只用芎歸湯最穩當又効捷

○催生飲

當歸 川芎 大腹皮 洗 枳殼 麩炒 白芷 各等

右剉一劑水煎溫服此五味下胎催生立應

○榨木飲 催生亦治橫生逆產死胎爛脹不下者服之立
下如神

榨木生枝如小指大者一握淨洗剉碎下葉一刺剉麩
有之甘草五寸

右剉一大劑水一碗半砂鍋內紙二重密封慢火煎至一
半候產母腹痛甚時溫飲一盃不過一二服覺下重即
○催生湯 候產母腹痛腰痛見胞漿水下方便服

桃仁 皮炒去 赤芍 牡丹皮 淨 官桂 白茯苓 去皮冬
右剉一劑水煎熱服

○如神散 催生累効靈妙於理因難遊於事實殊効

臨產時令人路上尋草鞋一隻取耳燒灰温酒調下三

錢如得左足者生男右足者生女覆者兒死側者有驚

此藥委是神奇

○催生散 治難產并胞衣不下

白芷 伏龍肝 百草霜 滑石 各等 甘草 裁半

右爲細末用芎歸湯入酒童便少許調煎未服之二次効

○脫衣散 治胞衣不下

川牛膝 三錢 歸尾 二錢 木通 三錢 滑石 四錢

冬葵子 二錢 加枳殼 三錢

右剉劑水煎熱服

有胞衣不下因產母元氣虛薄者

用芎歸倍桂以温之自下

補遺方

○治婦人難產用蛇退一錢焙存性爲末黃酒調下卽生

○治橫生逆產

服諸符藥不下者灸右足小指尖頭三炷艾炷如小麥大

○治死胎不出

射香五分另研官桂末三錢作一服黃酒調下須臾如

手推下効

○治胎死腹中疼痛不已

鹿角燒灰存性爲末每服三錢温黃酒送下

一孕婦交骨不開產門不閉皆由元氣虛弱胎前失於調攝以致血氣不能運達而然也交骨不開陰氣虛也加味芎歸湯補中益氣湯產門不閉氣血虛也用十全大補湯加味芎歸湯即芎歸各一兩加自死龜板一箇煎服如人行五里即生如胎死亦下灼過龜板亦可

小產

小產重於大產將息當過十倍大產乃粟熟自脫小產如採生栗破其皮殼斷其根蒂非自然者蓋胎臟損傷胞繫腐爛然後胎墮豈不過於大產但多以小產為輕以致殞命太抵小產宜補虛生肌肉養臟氣生新血去瘀血

○補氣養血湯治小產氣虛下血不止

- 人參 黃耆 當歸 白朮 去蘆 白芍藥 酒炒
- 艾葉 炙甘草 阿膠 炒 川芎 青皮 去穢
- 香附 炒 砂仁 各等分

右剉一劑水二盞煎至一盞去渣溫服

○補血定痛湯治小產瘀血心腹疼痛或發熱惡寒

- 當歸 川芎 熟艾 白芍藥 酒炒 各
- 玄胡索 七分 桃仁 去皮 研細 紅花 各三分 香附
- 青皮 炒 澤蘭 牡丹皮 各五分

右剉一劑用水一盞半入童便酒各一半盞煎至一盞溫服若以手按腹愈痛此是瘀血為患宜用此藥

若按之反不痛此是血虛宜用四物湯參苓白朮
若痛而作瀉此是脾虛宜六君子加破故紙肉豆蔻
泔薑棗煎服

產後

脈產後緩滑沈細亦宜實大弦牢瀉疾皆危
婦人產畢飲熱酒重便共一鍾閉自少坐上床倚高立膝
伸臥不時喚醒及以醋塗鼻或用醋燒炭及燒漆器更
以手從心捍至臍下使惡露不滯如此三日以防血暈
血逆酒雖行血亦不可多恐引血入四肢且能昏暈宜
類食白粥少許一月之後宜食羊肉猪蹄少許仍慎言
語七情寒暑梳頭洗足以百日為度若氣血素弱者不

計日月否則患手足腰腿痠疼等症名曰尊勞最難治
瘵初產時不可問是男女恐因言語而泄氣或以愛憎
而動氣皆能致病不可獨宿恐致虛驚不可刮舌恐傷
心氣不可刷齒恐致血逆須血氣平復方可治事犯時
微若秋毫成病重如山嶽可不戒哉
產後諸疾以未治之大補氣血為主也

○芎歸調血飲 治產後一切諸病氣血虛損脾胃怯弱或
惡露不行或去血過多或飲食失節或怒
氣相冲以致發熱惡寒自汗口乾心煩喘急心腹疼痛
脇肋脹滿頭暈眼花耳鳴口燥不語昏憤等症

- 當歸 川芎 白朮 去芦 白茯苓 去皮 熟地黄
- 陳皮 烏藥 香附 童便 乾薑 炒黑 益母草
- 牡丹草 甘草

全書有身身
無烏藥乾姜
牡丹草益母

益母飲 參
芩酒 芎木
當情 各五
圭 桂 月
木 各五分
丁 地 各五分

右判一劑生薑一片棗一枚水煎溫服看病加減于後

一產後惡寒發熱頭疼體痛脉大無力者是氣血俱虛也

依本方加人參黃耆去川芎牡丹皮益母草

一產後早起勞動發熱惡寒

依本方加人參黃芪

一產後惡露不盡胃腹飽悶疼痛或腹中有塊惡寒發熱

有惡血也

依本方加桃仁紅花肉桂牛膝枳殼木香玄胡索童便

薑汁少許去熟地黃

一惡血去後腹不滿不硬不痛但虛熱不退

依本方加人參去牡丹皮益母草

一產後惡露不盡瘀血上冲昏迷不醒腹滿硬痛者當去

惡血

依本方加桃仁紅花肉桂玄胡索牛膝童便薑汁少許

一產後腹軟滿不硬痛者不是瘀血乃是脾虛故也

依本方加人參砂仁厚朴去益母草牡丹皮

一產後惡露不盡敗血流入肝胃一經或腹脇刺痛或發

腫滿

依本方加遠志紅花厚朴玄胡肉桂青皮木香去熟地

黃久不愈成血鼓

一產後血去不止是血虛血熱

依本方加人參黃芩生地黃炒梔子荆芥阿膠烏梅去

補養湯
當的 芎
參 沉 各三
蒞 便 陳 各
木 一 支

益母草牡丹皮烏藥血甚不止加地榆入茅根汁磨黑
血久不止成血崩服五灰散方見血崩

一產後去血過多太腸乾燥無血大便閉結不通

依本方加麻黃生地桃仁杏仁黃芩枳殼厚朴紅花去
川芎白木茯苓烏藥乾薑益母草陳皮

一產後氣大脫血虛極昏暈不醒者切不可驚哭叫動則
驚散真氣乘昏暈死可用熱米湯布按元氣復甦
依本方加入參黃耆去牡丹益母烏藥先將熱醋薰鼻
即醒

一產後泄瀉脾虛發腫

依本方加入參蒼朮砂仁厚朴猪苓木通大腹白芍炒

去熟地川芎烏藥益母草牡丹皮瀉甚不止加肉蔻柯
子烏梅去厚朴久不愈成產後脾瀉中滿

一產後食傷脾胃飽悶泄瀉後變痢者難治

依本方加砂仁木香山藥蒼朮厚朴白芍炒去熟地川
芎益母草牡丹皮烏藥瀉甚不止加肉蔻柯子煨烏梅
去厚朴木香

一產後惡心嘔噦不止若去血過多乃是脾胃虛寒血少
之故

依本方加入參半夏烏梅去益母草牡丹皮香附烏藥
一產後惡露去少嘔噦惡心胃脹或胃膈疼痛是惡血冲
胃

依本方加肉桂砂仁厚朴紅花去熟地白木茯苓

一產後因怒傷肝胃脇刺痛飽脹不進飲食發熱

依本方加砂仁木香厚朴青皮玄胡索茴香去熟地黃白木茯苓益母草牡丹皮

一產後血虛發煩燥虛驚睡卧不寧錯語失神

依本方加人參酸棗仁竹茹炒山梔麥門冬辰砂去烏藥牡丹皮益母草乾薑

一產後口眼喎斜手足牽引或筋惕肉瞤或驚悸戰掉不止或作寒熱脉或大無力或虛細皆是氣血俱虛不能榮養筋脉

依本方加人參黃耆辰砂去烏藥乾薑益母草牡丹皮

若脉來浮緊有力恐血虛中風本方去黃耆辰砂加防

風荆芥羌活不可全作風治以風散氣悞矣有痰加竹

瀝薑汁少許半夏薑炒去黃芪二三服藥除防風荆芥羌活依本方加減條理

一產後心血空虛神無所依或因悲思鬱結怒氣憂驚驚則神舍空舍空則生痰是神不守舍使人驚狂煩亂叫罵欲走悲歌妾笑頭搖手戰

依本方加人參竹茹酸棗仁麥門冬山梔貝母枳實辰砂竹瀝薑汁去川芎烏藥乾薑益母草牡丹皮

一產後血少脾虛生痰痰迷心竅使人昏迷不能言語依本方加瓜蒌貝母枳實人參石菖蒲桔梗竹瀝薑汁

少許去香附烏藥乾薑益母草牡丹皮

一產後心血空虛心無血養口不能言精神短少

依本方加入參酸棗石菖蒲遠志茯神生地桔梗麥門

冬竹瀝薑汁少許去牡丹益母烏藥乾薑香附

一產後去血過多血虛發腫者

依本方加砂仁大腹皮厚朴猪苓木通去牡丹皮益母

草烏藥乾姜

一產後惡血去不止流入脾經發腫滿者

依本方加紅花大腹皮厚朴砂仁木香猪苓木通去益

母草烏藥白木茯苓

一產後脾虛飽悶不進飲食

依本方加砂仁白豆蔻厚朴益智木香去川芎益母草

牡丹皮烏藥乾薑

一產後血虛煩渴不止津液枯竭

依本方加入參麥門五味子天花粉葛根蓮肉烏梅白

芍去川芎乾姜牡丹皮益母草烏藥香附

一產後脾虛發痰喘氣急

依本方加沈香木香蘇子厚朴白芍砂仁枳實貝母竹

瀝姜汁少許去益母草牡丹皮乾薑白木香附烏藥

一產後因去血過多遍身骨節痛難轉側是血虛不能榮

養筋骨

依本方加生地白芍紅花人參牛膝乳香薄荷桂少許去

益母草牡丹烏藥乾薑

一產後因去血過多血虛發瘧者

依本方加人參黃耆生地白芍去益母草牡丹皮薑汁

烏藥發熱加柴胡黃芩少許有痰加瓜蒌貝母枳實竹

瀝薑汁少許去熟地黃

一產後形體壯盛手足癱瘓遍身疼痛難以動縮者是血

虛有風痰也

依本方加貝母枳實薄桂牛膝炒黃芩羌活蒼朮白芍

竹瀝薑汁少許去益母草牡丹皮乾薑烏藥白朮

一產後初起腹中有塊升舉作痛無寒熱者俗云兒枕七日痛自已或腹滿硬痛作寒熱者痛不移處是死血痛

當去惡血痛自止矣

一產後初起蒸乳發寒熱者

依本方加青皮枳殼通草

○益母丸 治婦人胎前產後或難產胎胞不下血暈不醒或惡露不盡俱可服之

五月五日午時取益母草陰乾搗為細末煉蜜為丸如

圓眼大每服一丸童便好酒各半研化服之不飲酒薑

湯化下

○回生丹 長葛孫奎亭經驗

大黃末 一升為細末 蘇木 三兩剉用河水五碗煎汁三碗

紅花 三兩炒黃色入好酒一大壺同煮三五滾去紅

黑豆 三升煮熟取汁三碗去豆不用止用豆皮

先將大黃末以好米醋三四碗攪勻以文武火熬成膏
 如此二遍次下紅花酒蘇木湯黑豆汁攪開大黃膏入
 丙又熬成膏取出如有鍋粃再焙乾入後藥
 當歸 川芎 熟地黃 白茯苓去蘆 蒼朮米泔
 香附米 烏藥 玄胡索 桃仁研 蒲黃
 牛膝去蘆各 白芍酒炒 甘草 陳皮
 木香 三稜 五靈旨 羌活 地榆
 山萸酒蒸去核 人參 白木去蘆 青皮去穢
 木瓜各三錢 良薑四錢 乳香 沒藥各一錢
 右為細末用大黃膏為丸如彈子大每服一九酒頓化
 通口服

若產後頭疼身熱有汗謂之傷風加桂枝末三分姜葱
 煎湯頓化服之

若產後頭疼身熱無汗謂之傷寒加麻黃末三分姜葱
 煎湯頓化服之

若產後無乳加天花粉三分當歸尾三分穿山甲炙三分
 分黃連三分為末同入酒內頓開不拘時服令乳母將
 乳頭揉千餘轉其乳如湧泉自出

保生論回生丹功效

養胎益血和子治妊婦失宜勞後胎動或胎漏惡露時下
 臍急寒久不成胎痿燥不長過期不產日月雖滿動作
 無力或致搶墜產時未至惡露先下胞絡枯燥致令難

產或逆痛悶亂連日不產子死腹中腹上水冷口唇青
黑出冷沫露上攻昏悶不省喘促汗出及血未盡臍
腹冷痛寒熱往來或因產勞虛損身羸面黃體瘦心怯
盜汗飲食不進漸成勞疾入月常服壯氣養胎順產滋
陰養血調和陰陽密膝理實臟腑治風虛實痼冷閉
寶鑑經驗醫方治妊婦胎前產後崩漏帶下室女經閉
月水不調

第一子死腹如何

答曰妊母因染熱病六七日經傳臟腑熱極以致子死
腹中墜臍下不分離命在須臾急服回生丹三九便生
第二難產如何

答曰緣胎氣已成子食母血臨月足餘紅血成塊俗呼
為兒枕臨產時兒枕先破及將生時枕破血裹其子故
難產但服此藥遂去敗血須臾自生橫生逆產同治
第三產後胎衣不下如何

答曰母子分解既訖母受其寒產血入于衣中被血所
脹此胎衣不下令人腹悶飲食不進遂去衣中敗血自
然下矣

第四產後血暈起止不得眼見黑花如何

答曰產後三日血氣未定還走五臟奔克於肝醫人不
識呼為暗風差矣宜此丹治之即愈

第五產後口乾心悶如何

五十一
答曰產後七日以來血氣未定因三日食麵與血結積聚在心是以煩渴醫人不識呼為胃膈壅悶但服此藥萬無一失

第六產後寒熱似瘧如何

答曰產後虛羸血入于心肺熱入于脾胃則寒熱極反渴醫人不識呼為瘧疾候傷產婦不可勝記若服此救之百發百中

第七產後四肢浮腫如何

答曰敗血走注五臟轉滿四肢停滯回轉不得乃化為浮腫遂致四肢俱腫醫人不識遂為水腫與血腫不問水腫氣閉而小便澀血腫氣渴而四肢寒先服此丹去

敗血後用利水氣藥

第八產後血邪如見鬼神癲狂言語無度如何

答曰產後敗血熱極中心所以煩燥言語顛狂醫人不識呼為風邪若以風治之是庸醫誤人若急服此丹萬無一失

第九產後失音不語如何

答曰心有七孔三毛敗血充心流入孔中被血所閉言語不得醫人不識呼為脫陽脫陽失音甚是為難無方下藥除不審視產婦敗血行與不行順與不順今血氣妄行流入心孔却反為難語若服此萬無一失

第十產後泄痢腹痛如何

答曰妊婦未滿月慎食酸冷堅硬之物與血相搏流入大腸不得剋化或泄膿血或作汚刺不得安穩但服此即愈

第十一產後百節酸疼如何

答曰生產妊婦百骨脂中開張產後餘血流入經絡停留日久結聚不散壅滯虛脹是以百節酸疼醫不識此呼為濕症用藥慎損者多矣但服此丹三二服去其滯血即痊

第十二產後小腸尿血如鷄肝如何

答曰產婦月中將理失宜飲食不得應時兼以氣怒以致餘血流入小腸閉却水道是以小便澁結血似鷄肝

流入大腸閉却肛門逆致大便澁難醫人不識呼為五臟淋澁傷損心肝以致瘀血成塊形如鷄肝殊不知敗血流入大腸閉塞水穀以致如此但服此藥立痊

第十三產後下血似崩中如何

答曰產後敗血惡露盡止之間亦當服藥以調五臟或食酸鹹之物寒熱不一因此榮衛不得調和以致腹中便作崩漏形如肝色渾身潮熱皆臍拘急心中煩悶醫人不察云為崩下但婦人癸水將至暴下不止愆期過度故曰崩下產婦血氣正行失于保養以成此疾但服此丹其病即痊

第十四產後胃膈氣滿嘔逆不定如何

答曰產後血停于脾胃食充氣充心氣不安胃膈脹滿
嘔吐偏多醫人不識呼為翻胃口不容受飲食故曰翻
胃况妊婦血停於脾心氣相冲而為嘔逆如何謂之翻
胃但服此丹二三九百不一失

第十五產後咳嗽寒熱往來如何

答曰產後不能忌口食麪結痰為塊上喘咳嗽四肢寒
熱心悶口乾渾身煩燥睡夢多驚體虛無力經水不來
名曰血閉腸痛面赤因此難治變作骨蒸治須仔細若
服此丹不應雖盧醫不起

第十六產後喉中似蟬聲如何

答曰敗血衝過於心轉入肺氣與血並結成塊入喉中

依擊似蟬鳴人以為怪產得此病者十不救一

第十七產後面黃舌乾鼻中流血遍身色點生斑如何

答曰產後敗血入五臟六腑皆滿流入肌膚敗血出入
流走四肢熱結留注轉還不得故有此疾可畏可慎產
後有此十無一活但此疾百中無一二如遇此丹可保
無虞

第十八產後眼滿腰痛似角弓如何

答曰產婦百日之後方得脫體今在月中七日以來食
麥爽口之物以致煩熱不得安寧因循不肯服藥調理
兼百日之內過傷房事或久病或半卧當風取其一時
快樂殊不知產後血氣虧損倘一犯之則不能免此患

也

第十九產後小便澀大便不通如何

血入腸中誰得知小便淋瀝大便遲乍寒乍熱常多汗如醉如痴似鬼迷花發目前以碎錦病纏身內總成虛只消一粒回生藥產婦從今免危

產後諸疾補遺

一產婦略聞音響其汗如水而昏憤諸藥到口即嘔余以為脾氣虛敗用參附末為細丸時含三五粒隨液嚥下乃漸加之至錢許却服參附湯而痊
一產後生腸不收皆由氣虛血弱所以懸下但養氣和血其物自收用補中益氣湯去柴胡陳皮加川芎升提之

用熱手心常熨腰肚但腰肚氣暖其物自收

一產婦陰脫腫痛脉滑數欲作膿也用十全大補湯而膿成又數劑而潰但小便頻數患更重墜此元氣虛而下陷也用補中益氣湯而尋愈

一產婦玉門不閉發熱惡寒用十全大補加五味數劑而熱退用補中益氣加五味數劑玉門閉

一產婦血崩因怒其血如湧仆地口噤目斜手足搐搦此肝經血耗生風余用六味丸料一劑諸症悉退但食少脯熱佐以四君子柴胡牡丹皮而愈

一產婦泄瀉四肢面目浮腫喘促惡寒用六君加薑桂而泄瀉愈又補中益氣而脾胃健

一產婦泄痢腹痛日久形體骨立內熱脯熱自汗盜汗口

舌糜爛吐痰味洪大重按全無此命門火衰脾土虛寒
而不能攝痰歸元用八味丸補火以生土用補中益氣
湯兼補肺金而痊
一產婦牙關緊急腰背反張四肢抽搐兩目連割此去血
過多元氣虧損陰火熾盛用十全大補加炮薑一劑而
甦數劑而安
一產婦筋攣臂軟肌肉抽搐皆屬氣血虛用十全大補湯
而痊 已上諸方俱見補益

乳病

乳汁不通結核成餅不散寒熱作痛者宜速揉散乳汁一
通餅核自消如不消結成乳癰急用連翹蔥搗成餅搭

乳上用灰火一罐蓋葱上須臾汗出立消
乳汁不通者有盛有虛也

○盛宜

- 桔梗 二錢
- 藿麥
- 柴胡
- 天花粉 各 錢
- 通草 七分
- 青皮
- 白芷
- 木通
- 赤芍
- 連翹
- 甘草 各五分

右剉一劑水煎頻服更摩乳房

○虛宜

- 王不留行
- 木通
- 天花粉
- 當歸
- 川芎
- 白芍 酒炒
- 生芩 各等分

右剉一劑用獾猪蹄傍肉四兩煎湯二鍾入藥同服先

將葱湯頻洗乳房

○湧泉散 治乳汁不通 不問虛盛先用木梳頓刮乳房後

穿山甲 炒 白薑 炒 肉豆蔻 麵包煨熟 皂角 五錢

胡桃仁 去皮四兩 芝蔴 炒半升

右為細末每服不拘多少溫酒調下任意食之

○治乳汁不通

王不留行 天花粉 甘草 各三錢 當歸

穿山甲 酥炙各五錢

右為細末每服三錢猪蹄湯或熱酒調下其乳即通
乳癰發痛者血脉凝注不散也

天花粉 金銀花 皂角刺 穿山甲 土炒 當歸尾

白芷稍 瓜蒌仁 貝母 甘草節

右剉酒煎服此方治吹乳乳癰痛腫不可忍

○瓜蒌散 治婦人乳疽乳癰 癰癩

黃瓜蒌 子多者不去皮焙研爛 當歸 五錢 乳香 一錢 沒藥 一錢

生甘草 五錢

右合一劑好酒三碗於銀石器中慢火熬至碗半分為
三次食後服如有乳勞便服此藥杜絕病根如毒氣已
成能化膿為黃水毒未成即內消疾甚者再合一服以
愈為度

○婦人吹乳

用黍子丁合黃酒下即散

○治婦人吹乳硬腫身發熱增寒疼痛難忍不進飲食者服之良驗

鹿角一兩炭火煨存性研細分作二服先將末藥五錢入鍋次下無灰酒一碗滾數沸倒在碗內乘熱盡飲臨卧服汗出即安

○治吹乳仙方

用葱一大把搗成餅一指厚攤乳上用灰火一罐覆葱上須臾汗出腫痛立消

一產婦勞後忽乳汁如湧昏昧吐痰此陽氣虛而厥也灌以獨參湯而甦更以十全大補湯數劑而安方見補益

一婦人氣血方盛乳房作脹或無兒飲脹痛增寒發熱用

麥芽二三兩炒熟水煎服立消其耗散氣如此何脾胃虛弱飲食不消方中多用之

乳岩

婦人乳岩始有核腫如鼈棋子大不痛不痒五七年方成瘡初便宜多服疎氣行血之藥須情思如意則可愈如成之後則如岩穴之凹或如人口有唇赤汁膿水浸淫胃腹氣攻疼痛用五灰膏去盡肉生新肉漸漸收斂此疾多生於憂鬱積忿中年婦人未破者尚可治成瘡者終不可治宜服十六味流氣飲

○十六味流氣飲 治乳岩

- 當歸
- 川芎
- 白芍
- 黃芪
- 人參

官桂 厚朴 桔梗 枳殼 烏藥
 木香 檳榔 白芷 防風 紫蘇
 甘草

乳癰加青皮○亦治痘疹餘毒作癰瘡
 右剉一劑水煎食遠臨卧頻服

婦人諸病

婦人與鬼交通者由臟腑虛神不守故鬼氣得為病也
 其狀不欲見人如有對語時獨言笑或時悲泣是也脉
 息遲伏或為鳥啄皆鬼邪為病也又脉來綿綿不知度
 數而顏色不變此亦是斯候也宜灸鬼穴以患人兩
 手拇指相並用線緊札
 當合縫處半肉半甲間灼艾灸七壯若果是邪祟病者
 即下求免災云我自去矣

○茯神散 治婦人風虛與鬼不通妄有見聞言語雜亂

白茯神一錢 白茯苓去皮 人參 一石菖蒲各一錢
 赤小豆五分

右剉一劑水煎服外用辟邪丹祛之方見瘟疫

婦人傷寒發熱經水適來晝則明夕暮則譫語如見鬼狀
 此為熱入血室也

○小柴胡湯方見傷寒

依本方加生地黄

○一方用四物湯去熟黃用生地黄加柴胡各等分煎服
 亦治此症

婦人陰腫者是胞絡虛為風邪所客也

○黑白散 治陰中腫痛

小麥 朴硝 白礬 五倍子 葱白

右件煎湯頻洗○一方用馬鞭草搗爛塗之
婦人陰痒者是蟲蝕陰戶也

○治陰痒用蛇床子白礬煎水淋洗即止

○一方用牛肝或猪肝三寸納入陰中其蟲盡入肝內取出立効

婦人陰中生瘡者是濕熱也

○療女人陰中生瘡

杏仁 雄黃 礬石各二分 麝香二分

右研細傳入陰中○一方單用硫黃研細付之亦効

一婦人素鬱悶陰內痛痒不時出水飲食少思肢體倦怠

用歸脾湯加丹皮山梔芍藥柴胡生草主之而安

一婦人病愈後小便出尿此陰陽失於傳送名大小腸交

也先用五苓散二劑而愈又用補中益氣湯而安

一婦人陰中寒冷小便澄清腹中亦冷飲食少思大便不

實下元虛寒治以八味丸月餘飲食漸加大便漸實又

月餘諸症悉愈

一婦人每交接出血作痛此肝火動脾而不能攝血用補

中益氣濟生歸脾二湯而愈若出血過多而見他症但

用前藥調補肝脾

一婦人陰中挺出一條五寸許想痛重墜水出淋瀝小便

澁滯夕與龍膽瀉肝湯分利濕熱朝與補中益氣湯升
 補脾氣諸症漸愈再與歸脾加山梔茯苓川芎黃柏間
 服調理而愈後因勞役或怒氣下部濕痒小水不利仍
 用前藥即愈亦有尺許者亦有生諸蟲物者皆用此治
 一婦人小便自遺或時不利日晡益甚此肝熱陰凝不能
 約制用六味丸料加白朮酒炒黑黃柏七分知母五分
 數劑諸症悉愈若誤用分利之劑愈損真陰必致不起
 一婦人有孕小便不利小腹腫脹幾至於殆用八味丸一
 服小便淋漓再以前丸之料加車前子一劑即利肚腹
 頓宛而安
 一姪婦無故自悲用大棗十枚甘草小麥各三兩分三劑

水煎服而愈後復患又用前湯佐以四君子加山梔而
 安
 一婦人身顫振口妄言諸藥不効余以為鬱怒所致詢其
 故蓋為素嫌其夫而含怒久矣投以小柴胡湯稍可又
 用加味歸脾湯而愈
 一婦人驚悸怔忡無寐自汗盜汗飲食不甘怠惰嗜卧用
 歸脾湯而愈至年餘懷抱鬱結患前症兼衄血便血仍
 用前湯而愈
 一歸人忽昏憤發譫語自云為前某賴某人銀兩其神責
 我將爾起解往城隍理問兩脚膝脛皆青腫痛不
 可忍口稱苦楚次日方甦痛尚不止用金銀藤兩許水

煎服即愈

一女子年二十歲未婚患每見男子即咬處不放後昏倒
陰戶流出冷精頃間即醒其厥陰肝脉弦出寸口乃陰
盛思男子不可得也予令其父母用棍痛責使之思痛
而失慾也後服抑陰丸而愈

新刊萬病回春卷之六終

